



复次，

180

染与于可染，染者亦复然，

余入<sup>1</sup>余烦恼<sup>2</sup>，皆亦复如是。<sup>3</sup>

如见、可见、见者无合故，染、可染、染者<sup>4</sup>亦应无合。如说见、可见、见者三法，则说闻、可闻、闻者余入<sup>5</sup>等。如说染、可染、染者，则说瞋、可瞋、瞋者余烦恼等<sup>6</sup>。

<sup>1</sup> 余入：谓闻、可闻、闻者，嗅、可嗅、嗅者，尝、可尝、尝者，触、可触、触者，思、可思、思者其余诸入。

<sup>2</sup> 余烦恼：谓其余的诸烦恼，如瞋、可瞋、瞋者，痴、可痴、痴者，慢、可慢、慢者，疑、可疑、疑者等。

<sup>3</sup> 一、《般若灯论释·观合品》云：

应知染染者，及彼所染法；  
余烦恼余入，三种皆无合。

二、《大乘中观释论·观合品》云：

如是染染者，及彼所染法；  
瞋等余烦恼，余处三无合。

<sup>4</sup> 染、可染、染者：义谓三毒中的贪、可贪、贪者。

<sup>5</sup> 《中观四百论·破根境品》云：

若至耳取声，声初由何取？  
声非单独至，如何能单取？  
声乃至未闻，应非是声性；  
无声后成声，此定不应理。

<sup>6</sup> 《中论释·明句论·观合品》云：

[故次颂曰：

“染与于可染，染者亦复然。”

染、染者，染、可染，可染、染者，若二、若三均无合义。如说三法，余一切法亦复如是。故次颂曰：

“余入余烦恼，皆亦复如是。”

谓均无合义。所言“三法”即三事。三种事物即名为三法。其余诸法烦恼者即名瞋、痴等。如瞋、可瞋、瞋者，闻、可闻、闻者余入等三法亦尔。]





复次，

181

异法当有合，见等无有异，

异相不成故，见等云何合？<sup>7</sup>

凡物皆以异故有合，而见等异相不可得<sup>8</sup>，是故无合<sup>9</sup>。

复次，

182

非但见等法，异相不可得；

所有一切法，皆亦无异相。<sup>10</sup>

<sup>7</sup> 一、《般若灯论释·观合品》云：

异共异有合，此异不可得，  
及诸可见等，异相皆不合。

二、《大乘中观释论·观合品》云：

异共异有合，彼见等诸法，  
异性无所有，故不可说合。

<sup>8</sup> 《中论·观法品》云：

若法从缘生，不即不异因。

<sup>9</sup> 《中论释·明句论·观合品》云：

[问曰：云何此等无合？

答曰：

异法当有合，见等无有异，  
异相不成故，见等云何合？

所言“云何”即是问言为何不合？若时见等彼此有异相，即如水、乳二事可合。但是可见等法无有异相可成故。彼等则无合。]

<sup>10</sup> 一、《般若灯论释·观合品》云：

非独可见等，异相不可得；  
及余一切法，异亦不可得。





非但见、可见、见者等三事异相不可得，一切法皆无异相

11。

问曰：何故无有异相？

答曰：

183

异因异有异， 异离异无异，

若法从因出， 是法不异因。<sup>12</sup>

二、《大乘中观释论·观合品》云：

非唯见等法， 异性无所有。  
余诸法皆同， 无异性可得。

<sup>11</sup> 《中论释·明句论·观合品》云：

[复次，

非但见等法， 异相不可得；  
所有一切法， 皆亦无异相。

当知非但见、可见、见者等诸因果事异相不可得，瓶、衣等一切法皆无异相。]

<sup>12</sup> 一、《般若灯论释·观合品》云：

异与异为缘。离异无有异。  
若从缘起者， 此不异彼缘。

二、《大乘中观释论·观合品》云：

异因异有异， 异离异无异；  
若法从因出， 彼无异可得。

三、《中论释·明句论·观合品》云：

[为明见等诸法如何无有异相。故次颂曰：

异因异有异， 异离异无异，  
若法从因出， 是法不异因。

此中所谓：瓶事有异于衣者。是异相因异法而成有异。离异法——无异相者，则不名为异。当知因异法衣而得名有异相的瓶者，则不名有异于衣。所以者何？若法从众缘生，是法不异因，以其相待所成故。譬如种、芽，长、短。

如后偈曰：

若法从缘生， 不即不异因，  
是故名实相， 不断亦不常。]





汝所谓异，是异因异法故名为异，离异法不名为异。何以故？若法从众缘生，是法不异因，因坏果亦坏故。如因梁<sup>13</sup>、椽<sup>14</sup>等有舍<sup>15</sup>，舍不异梁、椽，梁、椽等坏舍亦坏故。

<sup>13</sup> 梁：拼音 liáng，架在墙上或柱子上支撑房顶的横木，泛指水平方向的长条形承重构件：房梁。栋梁。梁上君子（指窃贼）。

<sup>14</sup> 椽：拼音 chuán，〈名〉架在桁上用以承接木条及屋顶的木材。  
《左传·桓公十四年》云：“以大宫之椽，归为卢门之椽。”

<sup>15</sup> 舍：拼音 shè，〈名〉房屋、住宅。

